



UNIVERSITÄTS-
BIBLIOTHEK
PADERBORN

Analysis Methodica Ivris Pontificii

Venator, Daniel

[S.l.], 1579

VD16 V 541

De Feriis. Titulus IX.

[urn:nbn:de:hbz:466:1-63204](https://nbn-resolving.org/urn:nbn:de:hbz:466:1-63204)

Termino peremptorio, ad dandum omnes exceptiones, elapso, cum nunc intersit partis, non potest eum iudex sine causa, prorogare. Specul. d. loco.

Cuiq; licitum est iuri pro se introducto renuntiare, c. ad Apostolicam, extr. de reg.

Si post citationem ad causam, Reus pro publica utilitate vocetur, circumducitur peremptorium, & habebit novas inducias, c. fin. extr. eod.

Iure civili 20. dierum spatium ad proponendas exceptiones statuitur, incertum habetur c. pastoralis, ext. de except. Respon. per auth. offert, C. quomodo, & quando, non tollitur d. c. pastoralis, sed per illud c. pastoralis potest, iudex restringere tempus 20. dierum, c. cum sit Romana, extr. de appellat.

DE FERIIS.

Titulus IX.

Continuatio.

Feriae, siue repentinae, siue solennes sint, dilationum temporibus non eximuntur: sed ad constituendum actus iudicialis peragendi terminum, proficiunt. l. siue pars, §. feria, C. de dilat.

Quot sunt genera Feriarum?

Feriarum aliae sunt solennes, aliae repentinae, aliae indictae, siue publicae, seu rusticae. Solennes sunt, quae ad Dei cultum & honorem, & Sanctorum reverentiam introductae sunt, quae recensentur per Spec. tit. de ferijs, §. feriarum, c. fi. extr. de reliq. & venera. sancto. Repentinae feriae dicuntur,

tur, quas solus Princeps, ob publicam gratulationem indicit, putà, ob diem natalis sui, vel filij sui, vel coronationis suæ: vel, quia vxorem duxit, vel ob res prosperè gestas, putà, propter gaudium victoriæ de inimicis habitæ. dicuntur repentinæ, quia incertæ sunt, imò repentinè & subitò indicuntur, Specul. d. loco. Rusticæ sunt, quæ propter rem rusticam, seu, propter publicam utilitatem, conceduntur, scilicet, pro messibus & vindemijs colligendis, quæ etiam publicæ, indictæ, & quandoq; solennes vocantur, l. i. ff. eod.

Quæ causa efficiens?

Decreta & statuta Principum, & consuetudines locorum, Specul. tit. de ferijs, §. feriarum, l. à nullo, C. eod. l. præfides, ff. de ferijs.

Quis Finis & Effectus?

Cultus & honor Deo debitus, reuèrentia Sanctorum, publicaq; utilitas & obseruantia. Quare in omnibus prædictis ferijs nihil fieri debet, quod horum vnum, violari, lædi, vel impediri possit. Quod igitur hoc loci est: non debent tractari ea, quæ ad contentiosam spectant iurisdictionem, putà: Non debet quis in ius vocari, nec causa tractari, nec sententia ferri, c. 1. & c. 2. 15. quæst. 4. Et si processus hisce diebus haberetur, ratificari non posset, cum sit ipso iure nullus, cap. auditis, extr. de electionib. Item, nec ad mortem, vel poenam damnari, nec placitum, vel mercatum fieri, nisi in casibus, extr. eod. cap. 1. & 22. quæst. 5. capit. decreuit, conceditur. Pòtest tamen illis diebus agi, si necessitas vrgeat, vel pietas suadeat. Necessitas vrget: vt si res sit tempore, vel morte peritu-

308 ANALYS. IVRIS PONTIFICII
ra, c. fin. extr. de iud. Pietas suadet: si sit causa debili-
bilium, vel miserabilium personarum. Quia in
operibus misericordiae, dierum non est habenda
distinctio, argum. c. vtinam, dist. 76. c. nunquam,
dist. 5. de consecrat. Pari ratione, ea quae ad voluntaria
iurisdictionem spectant, quolibet tempore
fieri possunt. Voluntariae iurisdictionis sunt ad-
optare, emancipare, tutores constituere, manumit-
tere, excommunicare, & absolueri, vbi causa cog-
nitiō requiritur, & similia, l. actus, C. eod.

An autem ferijs renuntiari possit? Et respon-
sum est, sub quadam distinctione, quod ferijs re-
pentinis & solennibus non possit renuntiari, c.
fin. extr. eod. l. si feriatis, ff. de arb. Rusticis autem,
seu publicis renuntiari possit, tamen si renuntia-
tum non fuerit, quod actum est non subsistat, l.
c. fin. c. si diligenti, extr. de foro comp.

AXIOMATA ET SENTENTIAE.

*Scauola Iureconsultus interrogatus, quid ferijs agere
liceret? respondit, quod praeiudicium noceret. Vt, si
bos in foueam decidisset, non erat piaculum, patrem fa-
miliam illum, adhibitis operis, extrahere. Nec ille feriat
polluebat, qui trabem lecti fractam fulciendo ab immi-
nente ruina liberasset.*

*Mores Romano dies à media nocte incipit. & sequen-
tis noctis media parte finitur, itaque quicquid in his ve-
ginti quatuor horis: id est, duabus dimidiatis noctibus
& luce media actum est, perinde est, quasi quavis hora
lucis actum esset, l. more Romano, ff. de ferijs.*

*Feris introductis in honorem Dei & Sanctorum, mo-
stob*

si ob necessitatem, vel pietatem, iudicium exerceri non potest, etiam de consensu partium, ferijs tamen introductis favore hominum partes renuntiare possunt, c. conquestus, ext. cod. & licet eod.

Iudex pro tribunali sedens, si scienter assignat diem feriatam partibus presentibus, & feriatam esse non ignoratibus, si partes non contradicant, renuntiasse exceptioni feriarum videntur, c. quod ad consultationem, ext. de re iud.

DE ORDINE COGNITIONUM.

Titulus X.

Continuatio.

Lapsis ferijs, omniq; impedimento alio sublato, iudex audiendis, cognoscendisq; causis, ut absq; mora ad finem perducantur, operam nauare debet. Sed quia plures quandoq; quaestiones ab vna & eadem, vel à diuersis partibus, proponuntur, aliquando incidunt, aliquando emergunt in iudicijs, ne confusio definitioni pariat impedimentum, inter eas certum cognoscendi & definiendi ordinem seruabit.

Quis ordo Cognitionum?

Cum duae quaestiones in iudicio proponuntur, aut sunt ambae principales, aut vna est principalis, & altera incidens; si quidem vtraq; sit principalis & civilis, quae prius proponitur, primò tractabitur, & vna sententia terminantur, licet sint aequales, dummodò se non contingant, c. 2. extr. de ord. cog. & sit talis quaestio, de qua iudex alias cognoscere possit, si verò sint criminales & inae-